

棲霞縣志

續志附各卷後
全



光緒五年重修

棲霞縣志

板藏學署

棲霞縣志序

環百里而邑與古侯國等國徵
史邑徵志志亦史之流歟願史
脩善惡而志不書惡則其法寬
史設專官日紀月注而志率出
簿書鞅掌間數十百年乃一修

序

則其時曠曠故舛與漏皆不免
也舛如杜氏裋褐顛倒天吳漏
如三家村婦學大戶粧梳得一
失萬寬故溢美者多誇已則競
言門望譽人則每輒言佳是信
志之難難於史也棲志權輿於

王生兩修於何胡二令而操觚者實出鳳伯牟氏橋梓手徵引博討論詳蓋信史也歷載八十餘矣中間雖有鄭令之修而缺漏弗完亦且四紀夫山川未改也至制度之遞增人物之迭出

序

二

失今不記異日者文獻盡湮茫茫者將孰從而問之余待罪四年率先務是急迩者年穀熟訟庭稀乃進紳士而諮訪之不數月各以所聞告爰共兩學博慎而核之迺合前志而通纂之康

熙壬子前事仍其故少節舊文
以從簡要壬子後則各附其類
共八篇為目八十有二以授劄
劄氏庶有棲以來千百年間山
川風物政治人材一展卷而瞭
然不唯供輶軒之采而撫茲土

序

三

者亦有所考鏡焉吾聞秦越人
之治病也必洞見五臟癥結然
後鑱石導引割皮解肌應手而
效治一邑也亦然先周知利病
所在而藥從之棲民之在今日
耕鑿自力尚矣而椎魯固滯之

未消則急在教化也民貧地瘠
歉歲鮮儋石之儲屢豐又有金
饑之痛財賄之弗通則利在貿
遷也余忝司牧惓惓於是者數
年興學通商不遺餘力而奏效
旦夕為難後之君子其亦覽籍

序

四

而謀所以調劑者謂非茲志之
助也歟

乾隆十九年歲次甲戌冬十月
文林郎知棲霞縣事雍韓衛萇
謹序

原叙

康熙十一年壬子

邑令

胡璘

余居嘗睹昔人聚米畫形藉箸陳狀津津談往事不啻指掌豈一一曉矚而拇趾之哉按籍可以論世據程可以鏡往此鏤心揚摧者孜孜然唯志之討也棲邑僻處東陲民貧地瘠而兵燹之後凋瘵尤甚徵志於棲葢難言之余承乏茲土殫心撫字八載於茲未敢云召父杜母俾窮簷茆屋一日享和平之福而徵志於今以視夫八載之前不無稍異前志由來遠矣兵興以來家鮮全集增修之志匪伊朝夕今

聖天子清問下民責令郡邑以志聞此正古昔盛旨輶軒采俗之意

棲霞縣續志

原叙

五

余用是益自黽勉且快始願之有成爰訪遺聞進邑孝廉牟君鳳伯使董厥事鳳伯曰志易言哉自遷固以還志輿地者無慮數十家隻辭少蓋君子猶敝帚視之僕何人斯敢以蚊負余曰不穀簿書弗給分任於君君職其詳余職其要惡乎不可且也千金之裘不成於一狐之腋君無讓矣鳳伯唯唯退居如心館中述其先世之意兼集群書叅究訂論余復爲之拾其遺問以評品附焉凡數閱月而後報成事即不敢妄意有加於前倘庶幾哉志旣成復進鳳伯與語曰君知邑有志卽國有史乎史備一代彰輝志備一邑勸懲爲功均也茲志一出後之宦於斯未

於斯者披卷而悟懼然而奮指某爲仕也賢吾將肖之某爲鄉也賢吾將肖之嗣是裨治理表風教以景行無窮斯志實爲之嚆矢矣如徒以文爾也語云玉卮無當卽美弗寶觀者亦且敝帚棄之何足述焉鳳伯又唯唯是役也徵文翰於世家詢傳聞於故老臚列區分誠慎之矣余樂其事之成因述巔末於簡端云

原叙

康熙壬子

李唐裔

周禮職方氏掌天下方輿圖籍小史掌邦國志外史掌四方志凡道里之遠近山川之險夷邊竟之要害土地之肥磽風俗之

棲霞縣續志

原叙

六

美惡人士之淳澆物產之鉅細戶口之蕃耗錢穀之多寡畢具焉王者披覽則較若列眉以故身居深宮之中而心周薄海之內所係顧不重哉漢唐元明咸有一統志亦猶行古之道非徒以備疆宇之廣已也

國朝定鼎於兵燹之餘郡縣舊志千百中僅存十一三十年來以經制未定不遑及焉今允輔臣請下直省各郡縣纂修之邑候霽玉胡公屬其事於孝廉鳳伯牟君書成欲余爲序余不禁伏枕歛歔曰登郡八屬率皆土瘠民貧而棲爲尤甚于逆變後更非其舊余何忍下筆棲無邊幅其道里猶是也而今所見無丰

筆路藍縷矣山猶是也而今材木濯濯且有野豕害苗矣川猶是也而遷徙不常平田強半砂石矣土地則屢易其主耕耘不時而沃者瘠瘠者荒矣風俗則終窶且貧冠婚喪祭莫備矣人士則衣食不贍無暇禮義矣物產惟粟而值賤如土正供難辦矣戶口則萬餘者今止三千餘矣每丁一錢餘者今每丁至六錢五分矣錢穀則民窮財竭昔可傳檄而輸者今則敲朴仍逋矣余何忍下筆雖然棲之困苦特未達之

宸聰耳倘藉此彙呈

御覽知昔之爲棲者如彼今之爲棲者如此思所以修復而存恤

棲霞縣續志

原叙

七

之還定而安集之未必非棲人苦盡甘來之一會也因不敢以不文也而辭之

又叙

前王子

牟國玠

志者紀也紀郡邑之史也周官有小史外史掌邦國四方之志以察民俗以稽吏治郡邑眎古侯國而無史官經世之士膺厥任者以時考事次其闕失式備一方之史猶古道也故志也者典章存焉教化寓焉治忽在焉匪徒具文飾觀爾矣棲志舊出王氏家藏前令何侯纂論成編先大夫實劬勩厥事王子先大夫適宰宜陽又先刺史判歸德時也相與參考而互證之先大

夫廼捐資以授梓人刊成遍散通邑一時僉謂盛舉癸未有傾城之變家無全集戶無全書遂闕焉而罔稽會先大人以歲徵與廷試過他邑而獲原本歸來指而目之曰此爾祖昔日刊本也子敬識之因以示余余捧讀再三仰見先大夫之爲邑計者深以遠也頃之先大人復語余曰莫爲之前雖美弗彰莫爲之後雖盛弗傳序述纂修是亦我之責也是亦我之責也維時先大人乃旁搜遠攬萃諸達人之聞見按先大夫編紀之後表年月而叙次之集而未就竟未成書復不幸而頻值兵興僅存先大人筆錄遺本披讀之餘手澤如新特以簡編殘失廢缺莫

棲霞縣續志

又叙

八

稽嗚呼惜哉然先大人以先大夫之心爲心余曷敢不心先大人之心以心先大夫之心居平仰體於茲懷增修之志蓋已有年幸我胡侯來宰是邑存心教養八載於茲凡見之經濟者皆期於不朽而廼切切以棲志不傳爲慮也適朝廷徵志郡邑而侯志以成於是廼訪之師儒徵之典籍咨之父老論定纂修不鄙賸聾命余國玠謬佐是役竊謂邑志之輯國史攸關一日編摩千秋徵信余以寡昧深懼舛譌掛漏貽羞大雅然承侯命且先業也不敢有違唯是敬述先世舊聞請鑒定於縉紳先生長者以及邑中有識之士間効一得叅互考證期無負侯付託

之意凡數閱月而志略具其間山川人物風俗城郭公署學校
選舉戶口貢賦之屬有裨治道者悉謹志之或筆或削悉遵先
大夫及先大人遺意不敢妄事臆識至於芟繁剔疑補闕闡幽
使理明事核足以信今而傳後則仍歸侯功非鄙人所能仰贊
高深也噫嘻先大夫刊訂前編成於壬子而余敬承侯命亦在
壬子之歲斯志之成豈偶然者哉

原跋

萬歷壬子

明邑庠生

王之垣

垣家世縣治二百餘祀未聞棲有志嘉靖丙午先君伯泉翁詰
曰郡邑志所爲存往迪後也吾邑獨無何以徵觀化謀於學諭

棲霞縣續志

又叙

九

羅源周師澍共輯之採往蹟於耆宿拾遺文於斷碑分席校讐
不越月而脫稿以力詘未梓家藏之俟勤政者迨戊午先君謝
世川中李父母揆令是邑之明年購之垣家示學訓任師傑率
弟子先仲父季泉翁謠變區于公鯉麓泉馬公時正忠軒林公
繩武他山郝公潔等相與重訂甫成李父母以事去年復一年
眞本傳落僅存草耳萬歷己卯青陽鮑父母索之校中出之以
應垣時值內艱受命考正蓋是書始自先君漸及湮沒今日之
命固所願也勉以讀禮之餘詳加更訂乃亦未就而鮑父母以
事去幸古桐何父母露穎茲邑公餘取垣所存稿親乘筆削潤

色事辭類標數語條綴一斷該而理簡而文無能增減一字翼
工付剗劂未果至萬歷庚戌棲志始成兆可矣公時筮仕宜陽
暨乃姪靜甫時判歸德相與梓之蓋聞不朽事三立德立言立
功何父母下車以來綏窮懷竄威猾煦良服無赭歲無侵德功
懋矣維是一編數十年間諸君子之手凡幾更而竟成於此日
立言固有待乎其於不朽蓋兼之矣不肖垣亦何幸徼何父母
暨牟公惠使克畢生平未畢之志且以藉手謝兩先人豈偶然
哉不揣謏劣僭言末簡蓋亦重有感云

重修棲霞縣志序

志與史有異乎志根於史之本
於經實書之封山濬川七政六宗
爲首之別壤分田成賦定貢皆
是也周禮六官踵事加詳阻隘
掌之司險戶口職諸司民大司

序

徒以天下土地之圖知地域廣輪
之數後世圖志鼻祖於此志與
史爲分合史實與經相表裏也
余在館時得覽名直省通志因
非比事屬詞排府列縣足見
無府志則省志無憑無縣志則

府志鮮據甚矣府志之所闕
鉅也光緒二年春余奉

命知登州府事下車之初查閱府志已
歷五十年未經續修急思重
加編輯而案牘紛如不遑暇息詎
意黃錦江大令蒞樓甫年解

序

二

印以續修志自任洵可謂先
得我心者矣予仙舟廣文以著
作宏才秉鐸棲邑掾能窺定
總司其事書既成丐序於余且
喜其詳而數簡而括條分縷晰
且附舊綱去異范絜班之鑑

馬可以觀天文可以察地理可以
飭人官可以叙物曲榘守
備至異日府志之所取裁豈第
若典錄之志於會稽風土之志
於襄陽云乎武於而吾竊有懼
焉疆域建置志矣吾懼夫均心修

序

師之功久而或紊典祀官貨志矣
吾懼之若敬搏蒼蒼之靈久而或
弛志秩官人物則職守明名節
著吾懼其久而風流頓歇而名
實無與彰志祥異藝文則休
咎顯教化興吾懼其久而感於身

方而天人無與應道有隆替時
無汚新今民古治存乎在人願
後之宰是邑者安益求安盛益
求盛而俗以美而民以興俾過此
執簡董狐大書特書不一書
乃斯志之幸抑亦序刻志者之

序

四

幸也夫

光緒五年夏五月

賜進士出身中憲大夫道員用知登州

府事翠岩賈瑚撰



序

志者所以屬詞比事脩之
乃能繼往開來因循不振
任其泯沒不第采風無自
抑亦守土之羞也棲霞縣
志脩於乾隆甲戌迄今百

序

數十歲代遠年湮星移霜
換徼特人物代謝亦且陵
谷變遷若不亟加蒐輯雖
龍門扶風惡能無徵而信
哉麗中攝篆於茲幸值時
和歲稔既為民謀倉儲爰

議續脩縣志糾紳耆而商
確咸踴躍以從公濟甯于
仙舟廣文秉鐸斯邑歷有
年所文名品望士林翕然
於焉延請以主脩纂或有
以章難急就阻余者以為

序

二

左氏鍊都十年乃就溫公
通鑑廿載甫成保能我作
其始亦見其終哉余曰否
否竊念

朝廷列爵各有所司在一日官
盡一日事吾但為事之所

當為與吾事之所得為而
已他何計焉且果能策羣
策力羣力安見功之不可
尅日俟者舊志計共四冊
續志擬附各卷合成八冊
事半功倍亦不疾而速之

序

三

一方也何必如宋子京作
新唐書大刪舊編痛加貶
駁為乎哉夫志不稽古奚
貴稱先志必信今始能傳
後斯志經始於戊寅嘉平
竣工於己卯秋仲能撲勿

華能覈勿濫事增於舊綱
統於前雖難美媿三長或
可謫免五失後之來司牧
者覽疆輿可以慎郊圻閱
建置可以識名勝細檢祀
典不難辨鬼神明孝享勤

序

四

翻食貨不難驗豐耗胡盛
衰秩官列於案則將懷素
餐尸位之慚人物載之書
則將動行表言坊之慕祥
異見矣當思鳳何以能鳴
虎何以能渡藝文傳矣當

思墨何以能舞筆何以能
詞固發潛闡幽之大端亦
勵精圖治之一助也何莫
非布
聖世昌明之化而豈僅為下邑
文獻之徵哉是為序

序

五

峯

光緒五年秋署棲霞縣事
如皋黃麗中撰並書



序

棲霞縣志創始明萬厯閒

我

朝以來一修於胡再修於衛

自時厥後難為繼矣非難

也敏則有功天下豈有難

序

事哉戊寅冬臘鼓方興邑

令黃公錦江造余商修縣

志事余曰大難大難棲邑

本貧瘠自夏徂秋捐倉穀

捐瀛洲書院經費民力竭

矣則經費難志修於乾隆

十九年迄今百數十歲故
家遺老罕有存者則採訪
難公曰君言誠然矣批卻
導竅迎刃而解事豈有不
能為者哉君但應我秉筆
事餘事當設法為之余曰

序

二

諾敬聞命矣經費採訪之
法願梗槩示公曰人同此
心心同此理以縣志不容
不修之故家諭而戶曉之
當無不聞風起於四十六
社中各擇紳耆三二人使

籌經費兼理採訪量社大小攤派若干自捐廉俸以爲民先如是而經費易矣生長其鄉熟習其事各舉所知無漏無遺如是而採訪亦易任己者勞任人者

序

三

逸人少則難人多則易事豈有不能爲者哉更有商者舊志不無乖錯亦多更張必刪改重刊不獨工費浩繁而且耽延時日則又難矣可否如涿州志式原

板不動續志附各卷後更
張者於續志註明乖錯者
就原板挖補豈不用力省
而成功速余曰可愛偕同
事諸君子依次纂刻以竟
乃事志於去臘定章今正

序

四

謀始二月設局八月竣工
計十閱月而志成是志也
徵信闕疑去偽存真無附
會語無避忌心知我聽罪
我亦聽以仰副

聖天子採風觀俗之意以勉助

賢有司思難圖易之心聊
序事之顛末而為斯文

峇

光緒五年歲次己卯仲秋
上浣

棲霞縣訓導濟甯于如川

序

五

識并書



康熙十一年修志姓氏

知縣

胡璘

鄉紳

李唐裔

牟國須

牟國玠

諸生

林善聲

孫公僑

謝宣

韓正傳

李生梓

丁浩然

牟如岩

李任

張大行

棲霞縣續志

姓氏

林璫

郝琮

張文燿

—

修志姓氏

纂修

知縣 衛 萇

叅訂

教諭 冷廷樞

訓導 郎天潤

督刻

典史 袁煜蔣

採訪

進士 牟日筭

棲霞縣續志

姓氏

二

舉人 李秉政 林 誥

貢生 牟日箸 牟之健 牟日箝 牟遺傳

監生 牟 忭 李秉謙 林 閻 郝 偉

馬聖瑞 張百和

生員 樂 寅 林毓葵 牟汝賢 林 謨

林 揖 符封合 衣汝明 李鍾淑

棲霞縣志續修姓氏

主修

撫提部院營務處藍翎同知銜知州用署理棲霞縣知縣黃麗中

纂修

光祿寺署正銜候選教授棲霞縣訓導 于如川

參訂

棲霞縣教諭 王德馨

翰林院孔目銜候選訓導前署甯海州訓導 王業玲

東河候補開官前署彭口開開官 黃炳垣

棲霞縣續志

姓氏

—

謄寫

文生 李賡韶

文童 李仲箴

文童 范文海

校對

中書科中書銜 張羅宿

湖南候補巡檢 郝聯芬

文生 米芝庭

文生 李培因

文生

米松齡

蔭襲雲騎尉文生

郝國忠

監生

張籟

繪圖

廩生

婁寶賢

增生

孫書景

監生

孫從範

督刊

六品銜棲霞縣典史

呂高元

棲霞縣續志

姓氏

二

藍翎都司銜儘先千總棲霞汎把總張平南

校刊

河南試用典史

黃炳堃

試用鹽運使司經歷

呂植全

理局

候選巡檢

于京溪

監生

張箴

採訪

同知銜候選州同

李憬然

布政司理問銜

劉希祖

五品銜候選縣丞

孫鴻儒

從九品銜

郝澍森

從九品銜

黃日令

從九品銜

郝麟趾

從九品銜

張硯溪

蔭襲雲騎尉

郝 鎰

候選千總

宮升蘭

挑選兵部差官

孫殿英

棲霞縣續志

姓氏

三

千總銜

柳逢春

恩貢生

王蓮峯

歲貢生

林虎疆

歲貢生

孫繩武

廩貢生

劉昭遠

廩貢生

牟翔鑾

廩貢生

林維岳

附貢生

李修田

附貢生

牟泮林

棲霞縣續志

姓氏

四

附貢生

林紹庭

附貢生

于桂齡

俊貢生

姜桐恩

俊貢生

李 霆

廩生

徐宗孺

廩生

魯葆華

廩生

林 經

廩生

李培運

廩生

呂運升

廩生

樂伯奎

廩生

王 昶

廩生

牟雲誥

廩生

王海山

增生

劉廷元

增生

劉寶珊

增生

王仁海

增生

杜振鷺

增生

曲鳳儀

棲霞縣續志

姓氏

五

增生

李春煥

增生

牟贊

文生

李焱華

文生

孫焱

文生

孫書屏

文生

孫慎行

文生

徐廣潤

文生

林直清

文生

郭奎光

文生

林鳳翰

文生

謝佑誥

文生

常金鎔

文生

柳銘卮

文生

玉鳳岡

文生

吳繡春

文生

孫雲錦

文生

林敬熙

文生

韓化南

文生

牟逢午

文生

于雲路

文生

張玉軫

文生

林儒

文生

宮丕恩

文生

王經野

文生

潘古魁

文生

杜夢庚

文生

牟銘盤

文生

王子治

文生

崔志沆

文生

崔麓泉

文生

李蔚然

文生

慕允升

文生

蔣世增

文生

李彤升

文生

韓瑞芝

文生

徐庭芷

棲霞縣續志

姓氏

七

文生

宋科

文生

張玉海

文生

于經

文生

林旭甸

文生

高紳

文章

林殿邦

文章

謝鴻橋

文章

衣銘新

六品軍功

韓文仁

軍功

胡邦基

武生

劉日城

武生

郝冠軍

武生

張豐彩

武生

丁永保

武生

潘應春

武生

王鎮東

武生

毛殿三

武生

慕雲鵬

棲霞縣續志

姓氏

八

武生

周鎮東

武生

劉湘雲

武生

李昌齡

監生

賈丕勳

監生

林逢寅

監生

牟儒行

監生

王昕

監生

郝懿蘭

監生

王禹賢

監生

牟鑽鈞

監生

王金相

監生

呂建昌

監生

劉格

監生

宋相

監生

柳鳳岐

監生

慕宗敏

監生

林朋

監生

潘蕙閣

棲霞縣續志

姓氏

九

監生

閆元進

監生

孫煥

監生

張懋深

監生

牟開運

鄉飲

徐義

鄉飲

孫同慶

鄉飲

許言諾

鄉飲

劉端

鄉飲

鄒鴻祥

鄉耆

王通

鄉耆

李國樑

鄉耆

衣天成

鄉耆

陳作玉

鄉耆

衣文乾

棲霞縣志目次

序 原序 三 原跋

圖 縣境 城垣 公署 學宮

卷之一

疆輿志

星野

沿革

界域

形勝

附八景

山川

古蹟

附陵墓坊表

鄉社

附街巷

集市

物產

附民業風俗

水道

並諸論

卷之二

棲霞縣續志

目次

—

建置志

城垣

公署

倉廩

附社倉各鄉官基

學宮

廟壇

祠宇

寺觀

演武場

墩舖

附官地

舖遞

橋梁

兵防

學田

養濟院

普濟堂

育嬰堂

義塚

卷之三

典祀志

祭品

祭期

祭器

樂器

樂章

舞儀

名宦

鄉賢

忠孝祠

節孝祠

各祠牌位

卷之四

賦役志

勅諭

地畝

稅糧

起運

存留

蠲免

戶口

丁徭

倉儲

鹽課

雜稅

開墾

九釐銀議

卷之五

官師志

棲霞縣續志

目次

二

秩官表

循吏傳

附祠碑

武職

名宦

卷之六

人物志上

徵薦

科貢表

例職

掾史

武科

武宦

封贈

宦績

將材

卷之七

人物志下

文學

孝子

孝友

義行

烈婦

烈女

節婦

孝婦賢媛

孝女

義僕

仙釋

卷之八

祥異志

祥瑞

災異

兵事

卷之九

藝文志

典籍

疏

記

傳

棲霞縣續志

目次

三

序

墓表

祭文

贊

銘

卷之十

詩

康對山海武功志云夫志者記也記其地理風俗人物
 之事也凡山川城郭與風俗推移皆地理所具作地理
 第一官署學校及諸有司所興行皆建置之事作建置
 第二治民人者先其神故祠祀興焉作祠祀第三有田
 則有賦有身則有役田賦之政國所重焉作田賦第四

疆域民人非官不守禮樂教化非官不行作官師第五
文憲之事邦邑所先以稽古昔以啟後賢作人物第六
科貢制行士由以興作選舉第七凡七篇葺考棲志原
目八篇多祥異藝文二志而祠祀無專目非治民先神
意也今特標典祀第三至祥異徵休咎藝文誌典章各
仍其舊選舉特人物之出身并爲一目共八篇

續志凡例

一舊志凡八綱計九十八目續修編次悉仍原綱附列於後曰續某志微特省工亦有舉莫廢意耳

一舊志至乾隆十九年止迄今百有餘歲事之湮沒不彰者多矣雖廣爲採訪未免傳聞異詞查核確鑿甫行收錄否則能可從闕不敢以耳代目

一舊志有賦役無食貨食貨可括賦役賦役難該食貨也改賦役志爲食貨志物產民業舊志附入疆輿殊屬不倫改歸食貨俾以類從

棲霞縣續志

凡例

一

一舊志卷五曰官師官則尹貳師則教職武弁無安放處不如統歸秩官改官師志爲秩官志續志文官起乾隆二十年武官起乾隆三十五年依次列表按年挨排間有姓名失考者姑闕

一志乘不爲生者立傳品行身名蓋棺論定縱其人事多可纂亦須俟之身後蒐輯不敢少濫

一科第貢監舊志皆分類列表今例貢例監書不勝書除正途五貢所有循例貢監其授職者載之餘不悉錄

一藝文祇登前賢不採時彥避瞻徇也惟傳表銘誄等撰

者雖生所撰則死不在此例且立言必有關係乃可觀
可懲風雲月露之章贈答往來之句概從刪汰

一孝爲百行之原大孝尊親其次弗辱割腹剖肝似乖不
敢毀傷之義然至性所發未可以爲愚而黜之也存以
救澆風而起薄俗

續志圖說

周官外史掌邦國四方之志職方掌天下九州之圖圖與志本相輔無圖而志不著無志而圖不明舊志諸圖縣境山河位置多誤餘俱不無變更其時尚無書院八景圖亦缺然變誤易之空缺補之而圖以備舊志八景曰翠屏出雲溫泉浴月城頭朝霞方山晚市長春仙井岨嶠金牛龍石印跡虎洞斑文金牛之傳事屬荒渺龍之跡虎之斑年久剝落無勝可尋酌易三景曰筆峯觀日方堤新柳外泮瑞蓮聚筆山即鉅齒山平列三峯頂尖如筆故舊志藝文

棲霞縣續志

圖說

有鉅齒合名聚筆山之句山名險惡改之爲是曉登東望日出如輪放大光明真乃天空海濶堤爲方小巖邑候所築環堤種柳以殺水勢堤上遍栽桃杏年年明媚春光微特怡神洵堪悅目東門外有陂塘曰王家灣在學宮之東南方光緒二年用作外泮植紅白二蓮歲丁丑花開並蒂應是文運昌明之兆科名當蒸蒸日上爰繪圖而爲之說

歸德縣圖

棲霞縣續志

圖





毗連七縣襟山帶河分
 疆畫界無差無訛東西
 朔南地名某、開卷了
 然不脛而走
 如皋黃麗中識



城垣圖






棲霞縣續志

圖



四


三
 里
 之
 城
 城
 小
 而
 固
 墻
 以
 石
 礮
 堞
 如
 鐵
 鑄
 社
 修
 分
 段
 幸
 復
 舊
 章
 永
 代
 代
 慎
 勿
 更
 張
 如
 皋
 黃
 麗
 中
 識








巍、煥、氣象一新歲
 脩、條、例、勒、諸、青、珉、敬、之
 敬、之、勿、負、所、寄、付、託、得
 人、談、何、容、易
 如、皋、黃、麗、中、識





官舍傳舍壞易脩難王
公小補居然可觀我愛
後園蒔花種菜退食自
公手親灌溉
如皋黃麗中識






霞山書院創始方公西
編坐號東設齋宮安得
箸籌廣儲經費寒士歡
顏沆瀣一氣
如皋黃麗中識





屏列山凝翠雲行
而雨施可以出則
出此意少人知
黃麗中題





艾山何巍峩山麓

靈泉吐倒影浴温

温天心月正午

黃麗中題



城頭嶺霞




雉堞依山峙
平明

繞綺霞
真堪名
絳

縣莫漫
赤城誇

黃麗中題



方山曉嵐




落日方山道依稀

晚市閑山靈弄奇

巧雲外現樓臺

黃麗中題





仙蹟猶留井清澄

鑑道心春長山院

靜古柏影蕭森

黃麗中題



筆寫觀日




分
剛
筆
凌
雲
何
必

曰
鉅
齒
觀
日
錫
嘉

名
山
靈
應
亦
喜

黃
麗
中
題






築隄以衛城徧種

護隄柳、綠更桃

紅春色年年有

黃麗中題





城東有外洋紅蓮

散清芬並蒂所兆

瑞霞起蔚人文

如皋黃麗中題

棲霞縣志卷之一

棲霞縣知縣龍門衛 萇纂

疆輿志

星野

漢書 齊地虛危之分野也東有菑川東萊琅邪高密膠東南

有泰山城陽北有千乘清河以南渤海之高樂高城重合陽信

西有濟南平原皆齊分也

棲霞漢縣地屬東萊郡則亦在虛危分野之內

春秋運斗樞 虛危之精流為青州分為齊國立為萊山

晉書 東萊入危九度

棲霞縣續志

卷一

隋書 正東曰青州其在天官自須女八度至十五度為元枵

以辰為子齊之分野

新唐書 須女虛危

元

枵也初須女五度餘二千三百七十四

抄四少中虛九度終危十二度其分野自濟北東踰濟水涉平


陰至於山在循岱嶽衆山之陰東南及高密又東盡萊之地得

漢北海千乘淄川南齊郡及平原渤海九河故道之南濱於碣

石古齊紀祝淳於萊譚寒及斟尋有過有鬲藻姑氏之國其地

得姬訾之下流自濟東達於河外故其象著為天津絕雲漢之

陽凡司人之星與羣臣之祿皆主虛危



棲霞縣續志

卷一

二

據晉書東萊入危九度棲霞漢為腫縣地自東漢廢入黃縣屬東萊晉因之故在危九度之中

葺按東萊入危九度統全部而言耳登為萊偏棲於登又十分之一也若稽其分秒而縷指之非深於天官者未易能也後有博雅君子請以竢之

沿革

唐虞

三代

春秋

戰國

秦

漢

東漢

總部

青州

青州

萊牟

齊

青州部

青州郡

郡

齊郡

境東

東萊郡

東萊郡

縣

黃縣

腫縣

黃縣

棲霞縣續志

卷一

三

晉

南宋

北魏

隋

唐

宋

金

元

明

青州部

青州部

光州部

青州部

河南道

京東東路

山東東路

山東東西道

山東布政使司

東萊國

東萊郡

東牟郡

東萊郡

東牟郡

登州

般陽路總管府

登州府

登州府

陽壘鎮

棲霞縣

棲霞縣

棲霞縣

國朝

山東布政使司

登州府

棲霞縣

地在禹貢青州之域 本牟子國下邑春秋戰國入齊境漢爲
睡縣屬東萊郡隸青州部東漢廢入黃縣晉與南北朝劉宋因
之元魏改屬東牟郡隋又改屬東萊郡唐爲蓬萊之陽瞳鎮屬
東牟郡隸河南道宋因之金置淘金所一名金山郡迨阜昌中
僞齊劉豫始置棲霞縣自是皆爲縣元隸山東東西道般陽路
總管府明吳元年大將軍徐達等下益都招撫登萊廢般陽路
置萊州府轄登州洪武九年陞登州爲府隸山東布政使司棲
霞縣屬焉

棲霞縣續志

卷一

四

國朝因之

界至

東過鐵口接甯海界一百一十里 東南至劉瞳接海陽界八
十里 東北至杏山舖接福山界八十里

西至寺口舖接招遠界四十里 西北至雀山接黃縣界七十
里 南至萊陽縣界榆科頂五十里 北至郭家頂接蓬萊界
七十里 廣一百三里袤一百一十里抵府一百五十里至
九百五十里

形勝

翠屏峙其南艾岫雄其北左據靈峰右倚方嶂崇山峻嶺險固可依

附八景

翠屏出雲

艾麓溫泉

城頭朝霞

方山晚市

長春仙井

龍石印跡

棲霞縣續志

卷一

五

鉅嶠金牛

虎洞斑文

山川

翠屏山

在縣南百步外蒼翠壁立前障若屏山頂有石窩將雨則雲生為邑八景之一土人鑿洞其下以棲神

釜甌山

在縣南十三里圓頂孤高望之如覆釜

唐山

在縣東南十五里土平廣四面石壁如削世傳唐太宗征遼駐蹕於此舊志云太宗征遼道出平州未嘗至登通

志不核而仍其誤今正之

石山

在縣南四十里山石大而圓多三四成纍纍者或下一石圓小上稍大最上尤大若出人為或者山水冲洗積漸使

然

院山

在縣東南七十里其山盤據數十里北有壽昌院東有天宮院西有子推院皆在山麓故名

靈山

在縣東七里危峯萃嶺土人立廟其上禱雨輒有靈應白洋河發源於此

棲霞縣續志

卷一

峒嵎山

在縣東三十里虞書分命羲仲宅嵎夷禹貢嵎夷既畧宋史慶歷六年登州地震徹海有聲如雷峒嵎摧金史

僕散安貞傳太安三年楊安兒叛於山東與張安楫聚黨攻劫州縣為僕散安貞所敗安兒等乘舟入海欲走峒嵎

舟人曲成擊之墜水死即此山也亦名金山于欽齊乘云以產金得名即地記萊陽縣坑也隋開皇十八年牟州刺

史辛公義于此坑冶鑄得黃金獻之山寺有隋碑淘金者所祖然三時沙汰僅得分毫名曰淘金無大利也按海

陽志亦有峒嵎山而齊乘所稱之金山其為此山無疑

棊山

在縣東三十里迤東又有寨山上兵寨基趾

鳳山

在縣東五十里傳昔有鳳鳴其上

鉅齒山

在縣東七十里尖峰斷續如鉅齒然康熙元年于七為官兵所扼走此山後潰圍逃山鳥道盤曲上無多壤

非屯聚之所于寇當日不過借以緩死所謂挺而走險者也

豹山 在縣東北三十里以曾產豹得名

白石山 在縣東北四十里

兌山 在縣東北五十里上缺象兌

百澗山 在縣東北七十里山多石澗百道交錯舊產鐵今無

公山 在縣北十五里山之陽有雲庵邱長春丹室也其詩曰公山隱隱插蒼穹宮壓公山第一峯

松山 在縣北三十里昔多松

虎山 在縣北三十里昔曾產虎

龍山 在縣東北四十里昔傳有蟄龍起於此

峩山 在縣北四十里峩然東西數里

棲霞縣續志

卷一

交毛山 在縣西北二十五里傳古有鳳凰來棲百鳥羽毛交集

艾山 在縣西北三十里嶺秀拔峻嶺不易攀躋上產靈艾蒼紫莖光異凡種世傳五月五日神人採之遂以名山北蓬萊西黃縣山峯相聯此山挺出於諸峯之上故堪輿家謂登郡九邑之山皆發脉於此

北曲山 在縣西北三十里舊產鐵今無

蠶山 在縣西北五十里一峯孤秀根形如蠶簇連黃縣界

北斑山 在縣西北五十里石相半五色斑文可觀在此山之南者曰南斑山

崗山 在縣西五十里有大王祠世傳唐征遼亡將封此

大方山 在縣西南二十里四周一周可三十里許上方而平東一峯特起廟祠神張姓者傳亦唐亡將也春日晴明時雲物

周護起伏變幻有城池樓閣旌旗人馬樹木之狀
經時乃滅若海市然出三齊畧記為邑八景之一

彭家嶺

在縣東南五十里上
有通路二十餘里
其石若一塊然
迤北有水車嶺

清香崗

在縣東七十里
巖翠聳延接鉅齒
山產清香

烏沙崖

在縣北二十里
峭壁臨河土石多
烏

林家岫

在縣東八十里
峻極眇路登者
危之其他有胡
家岫滾龍岫段
子岫狼域岫此
類尚多皆山形
之屢屢阻絕者
也

翠屏洞

在翠屏山之陰
明正德間居民
穿石壁為之深
丈餘居神像

虎斑洞

在縣東四十里
洞門之上巖若
墜色雜青黃類
虎斑文為八景
之一其中深邃
叵測舉火試之
烟出山後石

中 巖

洪花洞

在縣東北五十
里壘巒有門稍
折而下中空如
屋高丈許廣如
之又東折下行
清泉一泓深數
尺疾者飲之輒

棲霞縣續志

卷一

八

療

藏烟洞

在縣西北五里
明治間居民就
邃谷鑿石壁為
洞高廣各丈餘
步履其中隱隱
有聲

白洋河

發源靈山經城
南翠屏山下過
縣城西折而北
轉東合左右衆
流抵福山夾河
入海

原瞳河

發源艾山在縣
西北三十里由
寺口舖東南至
萊陽縣五龍河
入海

西大河

發源于蚕山由
趙家集西北至
黃縣入海

安濬河

兩源一出寧海
州一出海陽至
本境肖格北二
水合流過荆子
埠自鐵口東北
至祠山界由夾
河入海

文水

北三里東西南
三水交會北流
如篆文然

水

在大方山之陽
石竇湧泉潛行
隱覈經石龍口
噴珠而出下注
方池徐洩之側
有聖水

濱水

在縣北十里濱
都宮前抵福山
入海

仙井

北十五里邱長春脩煉時所鑿相傳長春脩道觀募大木南方隨得輒投水中悉從此井湧出為邑八景之一

溫泉

在縣西北三十里艾山東麓出如沸湯澡可療疾礫石為池歷有題詠為八景之一土人立廟其上使道士守之康熙癸亥登萊青道陸公祚蕃巡歷至棲浴池而樂之捐金為道人買地四十餘畝邑令梁以漢又豁其賦皆有碑記

于湯池上

平泉

東北四十里平地突湧不息乾隆元年設縣令鑿池開渠引水灌田止於蔬菜而已

舊志論曰山澤之利富國阜民棲誠多山乃蔓草離離巖石

轟轟材木亦無有焉其稍平者民或就而畫疇耕不穫菑不

畚復甘心乎棄之河遠諸水沙淺頻竭舟楫不通魚鱉不泳

且也雨集則漲不可支地當其衝矣雨止立見其涸又非可

棲霞縣續志

卷一

九

溝之洫之以備曠澇者也山水如斯利耶否耶民之不窮且

竄幸矣

古蹟

濱都宮

北十里真人邱處機建一日
太虛宮極壯麗神曰三清

古栢

二株並列太虛宮後無皮枝幹若枯歷久不朽
其東株存皮少許僅此生葉相傳為長春手植

赤巷口

北二十里相傳有望氣者謂此地有妖氣遲歲月即成
會鄉民掘之深尺餘其下草木之根皆如人馬形體已

具悉出而焚之氣
遂滅出怪異錄

跳魚臺

在縣東五十里懸流瀑布高可三
四仞激浪中時有魚跳躍欲上

龍跡石

在縣東五十里跳魚臺東岸石長四丈濶二
丈許上有龍形似鏤刻所成為八景之一

金牛穴

在縣東三十里峿麓相傳隋開皇間有金牛
從穴中出至今一竇深不可測為邑八景之一

摸錢岩

北十五里公山庵下邱長春童時脩煉於
此以金錢投岩下至夜手摸之不得不止

棲霞縣續志

卷一

附陵墓

黑玉相公墓

在西北十五里宰相弁宋王得用
嘗宦于此後人思之葬衣冠以祀

宋比部郎王公墓

在北四十里湲橋舖明正德間農者
掘地得石刻曰宋比部郎王公之墓

邱真人考妣墓

在濱都宮之右有真人自撰
滿庭芳詞叙感衆成墳之意

名宦牟敬祖墓

在蛇窩泊

勇畧將軍牟全墓

在鐵口觀音峯下有碑銘

都御史高翼墓

在縣北

監察御史張綱墓

在縣南

鶴慶府知府林恂墓

在城西里許

應天府府尹孫祿墓

在縣西北五里

保定巡撫郝晉墓

在蛇窩社三樂山北

禮科給事中李唐裔墓

在西林村茂陵山陽

附坊表

毓秀坊

在縣前明萬歷六年知縣鮑霖立今廢

恩榮坊有二

一在北門外為進士孫祿立
一在儒學東為進士孫祿立

雲程繼美坊

在察院東為父子舉人林恂林翰邦立

欽旌苦節坊

在察院西為知府孫祿立

特旨存問坊

在縣門東為府尹孫祿立

棲霞縣續志

卷一

誥贈坊

在儒學西為戶部主事孫善立

烈婦坊五

縣門西為庠生鄒著妻張氏立
儒學西為庠生王化宣妻李氏立
西關為劉心赤妻馬氏立
北街

貞節坊三

在南門內者二一為隋奸智妻李氏立
今廢一為隋好信妻劉氏立
在瓮留者一為范大倫妻崔氏立

義民坊

在察院前為林茂立

解元坊

在縣東為陳珍立

亞元坊

在縣東為舉人李謙立

翀霄坊

在縣西為舉人孫隆立

鸚薦坊

在縣西為舉人王振立
義民坊以下今俱廢

封贈坊

在桃村集為勅贈知縣孫瑾暨子知縣以約立

鄉社

蠶山鄉 領七社

任留 享山 繳格莊 楊础 榆林

寺口 鄒格

荆鳳鄉 領八社 原荆山鳳山兩鄉後并為一

荆芥 泥都 水頭 崗山 朱留

大車 榆山 蛇窩泊

文華鄉 領八社

埠上 鄒口 化山 葛山 鐵口

棲霞縣續志

卷一

十二

白馬 峇山 水道

松山鄉 領七社

泉水 三叫 葛格社 湲橋 次口

楚留 草格社

金山鄉 領八社

蓬芥 徐村 杏家莊 百間 亭口

瓮留 院山 柞欒

仙廣鄉 領八社

艾山 觀前 郭落莊 福井 唐山

王革莊

東隅

西隅

考前志論曰樓社故五十有二

廢 舊有義金鄉仁壽鄉俱久

鄉十明正德間洵罹兵凶戶口遂耗始併社為四十六而

鄉併為九嘉靖之季鄉益併而六矣葺按自嘉靖迄今六

鄉遂為定額夫二百年來戶口登耗不一茲當休養生息

版籍日增之時而社不加益其亦重改制省徭費之意也

歟

集市

城市 日逢一南關逢六西關為小市 逢四北關逢九白洋

棲霞縣續志

卷一

十三

河為大市

鄉市

大集凡七日臧家莊

逢二六

日趙家莊

逢三八

日桃村

逢五十

日寨里

逢五十四

日觀里

逢三八

日鐵口

逢一六

日蛇窩

逢二十七

小集 四

日亭口唐家泊寺口楊础

舊大莊頭杏家

莊隋家莊尚有小集三今廢

街巷附

迎旭街

縣治東

納薰街

治東南

毓秀街

縣前

挹爽街

治之西

仰極街

治西北

懷敬街

學前

通司巷

治東北

物產

穀之類稻梁麥菽黍稷秫稌芝麻蕎麥俱產各視地所宜蔬果之類與隣邑畧等肥地亦間藝染靛木之類山松青楊白楊槐柳為多以地雜砂石率盤曲壅腫無干霄之材自康熙三十年諸城人教之植柞樹飼山蠶成繭今三叫諸社為多然視諸城沂水不及十分之一獸則狼獾狐貉亦間有之特毛不細潤耳魚不滿尺以無深淵洪流之故藥材則紫草防風黃芩柴胡之類南方不產者鬻販於海客頗獲利餘如薏苡黃精之類尚有四十餘種暇時採之金生於近水傅石處間或有之淘汰終日

棲霞縣續志

卷一

僅得微屑少許非金穴之可容衆力故厲禁無煩焉

元至正五年令登州

棲霞縣金戶每戶輸金歲四錢後革蓋自編戶以來採之不遺餘力今不復可多得矣

附民業

士學 衣食粗足即延師訓子弟但尊經學古不逮前人

農耕 節氣較西稍晚田多砂石收穫除完官外大率不足餬口士人則分耕或倩租所得益微矣

織紵 農作外間治繭絲織本色絹又有山繭紬然亦不多惟績紡木棉以自衣被紳士農家無男嬬皆為之

工作 諸色工匠俱有惟拙于他邑

商賈 亦送貨福黃二邑零星借其資本名曰腳當

魚獵 瀕海之利也冬或獵取狐貉狼而毛不中裘其直無多

採樵

邑多山阜秋雨足則草豐苦屋炊爨利益最多冬春間農人鬻之爲生計然各有主者十月朔後乃任取無禁昔多

植松謂之松嵐取材析薪

較他邑頗賤今則濯濯矣

畜牧

棲舊多草場牧羊成群近歲墾荒者衆畜牧之利視昔十減其五

菘曰棲他產甚微無論紳民惟藉農耕爲生計然地磽确

也餘一餘三之蓄未可望之中人之產况其下乎故歉歲

則餬口不給屢豐則穀賤如泥公賦私交之費俱無所出

如之何而可使豐凶有備金刀圭貝之利與土物並贍哉

附風俗

大抵齊之數郡風俗與古不殊男子多務農桑崇尚學業其歸

棲霞縣續志

卷一

十五

於儉約則頗變舊風東萊人尤朴魯故特少文義

隋書

登萊負海之地民性愎戾而好訟鬪大抵東人皆朴魯淳直甚

者失之滯固然專經之士爲多

宋史

人滄事簡土瘠民貧

蘇文

民多朴野性皆獷直猶有古風凡所施爲質多文少

元志

敦稼穡輕服賈婚不論財喪能相救縉紳亦仰給田畝故節儉

愈於他郡而民性固滯驟難理喻貧則輕去其鄉至航海數年

棄妻子而不顧殆亦石田貧瘠之故非獨性異人也

菘按前志事必繫論率惓惓於墾撫招徠盖作於

瘡痍未起故多危苦之辭
嗻嗻哀鴻情見乎辭矣
今則休養生息安事乎此
然前賢苦心有不可沒者
謹鐫其板而藏之
使考世者有所觀覽焉

水道 並各論

白洋河

即清陽河

發源於靈山之西遼縣城而北而東左會王格豹山亭口諸水右會濱都艾陽洛疇諸水抵福山夾河入海

榆林河

即西大河

一源出馬耳山轉雷山之陰經官地西一源出蠶山過趙家集經山陽院至榆林合流入黃縣歸海

觀裡河

即原疇河

一源出艾山西南雷山之陽轉倉上而西一源出寺口北轉丙家而東至龍門口合流過觀裡集南入萊陽

楊础河

一源出靈山東轉福井西一源出郭洛西轉方山東至楊础合流入萊陽

棲霞縣續志

卷一

蛇窩河

一源出鋸齒山西北經跳魚臺轉黃條一源出玉皇頂轉初家疇經河崖村一源出唐山後轉朱留村總會於蛇窩泊入萊陽以上三河各流入萊陽之五龍河入海

安濬河

源二一出甯海一出海陽至棲邑郝格莊合流而北受院山楚留諸水出鐵口經甯海境內轉福山城東歸海

葺按舊志原疇河發源蠶山北流經招遠城東北合東良平

南二河入海今查棲水無入招遠者出境後亦無與東良平

南合流之處近有諸生牟汝賢者窮歷山谷細繪源流因得

據之為圖且更正云

乾隆十七年詳覆河道文

卑縣

是處皆山地多高阜所有古河四道其一爲清洋河自縣東十里之靈山發源由縣南翠屏山下西流轉北再折而東至福山縣峽河入北海其一爲原瞳河自縣北三十里之艾山發源由寺口舖東至萊陽縣五龍河入南海其一爲西大河自縣西六十里之蠶山發源由趙家集西北至黃縣入北海其一爲安濬河源二一發於甯海之井子口一發於海陽之狗子窩至卑縣東南七十里之肖格莊流入本境交匯之後北流過荆子埠等處轉東至福山峽河入北海以上四

棲霞縣續志

卷一

十八

河兩旁均係沙石河灘寬而不深惟以山水爲消長夏漲冬微雨止旋消直注於海從無停積宜用疏濬之處亦難開鑿灌田無憑議覆

棲邑不可以行水利論

時總制王欲行水利故獻此議

張

鈞

易門令

棲處登郡諸邑之中四望山阜累累卽多水道皆細流耳計百里中田在山麓僅得十分之三半雜沙石水利之說從無議及者盖欲鑿井則高不及泉欲開塘而水不能瀦故也地宜他穀獨不利稻間有種者亦別爲旱稻一種非水產也夏秋間少旱則苗槁微澇又病萎則以覆土之下不二三尺卽

屬石底澤之升洩俱不宜耳竊見霖雨之後萬壑匯流勢同
奔馬此時以浮沙不堅之土當悍波迅急之冲往往崩潰而
無益灌溉至冬春雨稀水涸前之浩浩者一望白沙矣加之
土踈善滲雖有不竭之源到此如同漏卮况高阜並無泉脈
卽山澗不無細流而田高水低豈能以飛輪轉諸數仞之上
而收其利乎至平地上出者止堪解渴亦無當於陂塘也大
抵山農利山澤農利澤猶車之不可以行水舟之不可以行
陸理勢固然無足怪者其諸河之名棲界無所謂東良者或
卽招遠之東良河訛爲棲地耳平南疑在黃縣界或云蓬萊

界盖其地有平山河在山南故以平南名惟原瞳河出蠶山
道經平南由黃入海西大河出艾山過寺口由萊陽入海至
清洋河卽縣治南河也出靈山麓在城東數里水伏地下踰
城西北復見此河之上流也道經十里舖烏沙崖至臧家集
匯衆支流而爲一大河由福山夾河入海當其在棲也皆得
雨而漲遇旱而微其源不深非可以脩蓄洩爲溉田之利也
敢因執事之問而脩悉之

棲霞縣續志卷一

棲霞縣知縣黃麗中纂輯

疆輿志

莫爲之前雖美弗彰合則兩濟離則兩傷山川牙錯此界
彼疆居民度地古有形方續疆輿第一

星野

按漢志分野虛危分青州奎婁胃分徐州欲辦分野當考本境
之漢縣故址辦其屬於何郡或爲專屬或爲交錯即縣別郡即
郡別星自然度次無差登州十縣得漢縣青州之三徐州之一

棲霞縣續志

卷一

一

登州在漢爲青州之東萊郡入危九度棲霞在漢曰腫縣曰牟
平縣專屬東萊郡與萊陽交錯徐州之琅琊郡膠東國海陽交
錯徐州之膠東國者不同其爲入危九度無疑

沿革 仍前志

界至

東南至徐家店接海陽界距城七十里

東北至河東姜家接福山界距城六十里

西南至畢郭接招遠界距城七十里

正南至東莊接萊陽界距城七十里

西北至趙家莊接黃縣界距城六十里餘詳前志通計縣輿廣一百五十里袤一百二十里距府里數載前志距省九百六十里

赴府大道經過村莊里數

北至古鎮都村五里有東西小沙河一道古鎮都至十里舖村五里有南北大沙河一道十里舖至觀東村四里觀東至赤巷口村六里赤巷口至楊家村八里楊家至龍村村一里龍村至松山集一里松山至漢橋村七里漢橋至豐粟村三里豐粟至寨里集十里寨里至尹家村五里尹家至郭家店十二里有東

棲霞縣續志

卷一

二

西沙河一道郭家店至交界碑十三里北與蓬萊縣界接共計八十一里

赴省西大道經過村庄里數

西過白洋河至棗行村一里棗行至二里店一里二里店至三里店一里三里店至十里舖七里十里舖至廟東芥二里廟東芥至小莊一里有小沙河一道小莊至任留店十里任留店至任留村一里有小沙河一道任留村至張家溝七里張家溝至寺口集九里有大沙河一道寺口集至交界碑十里西與招遠縣界接共計五十里

赴省東大道經過村庄里數

南過白洋河至南坊村一里南坊至二里店一里有小沙河一
道二里店至三里店一里三里店至七里莊四里七里莊至十
五里堠村八里十五里堠至二十里舖五里有小沙河一道二
十里舖至楊础村十里有大沙河一道楊础至太平莊十里太
平莊至榆科頂十里南與萊陽縣界接共計五十里

形勝

白洋三面青嶂四圍以郭落靈山為來龍以公山沙崖為關鎖

八景

棲霞縣續志

卷一

翠屏出雲

蒼翠壁立障縣若屏山之絕頂有石
窩焉將雨則窩中出雲氣縷縷升

温泉浴月

艾山在縣城西北東麓出泉熱如湯沸
石為塘澡可瘳疾月印池心波光蕩漾

城頭朝霞

五更平明海日東升照耀城頭
霞光萬道城之得名蓋以此焉

方山晚市

山方而平故曰方山春夏雨晴斜陽西照
雲氣蒼茫中現樓閣經時乃散如海市然

長春仙井

城北濱都宮為真人邱長春建中有井焉相傳
初建宮時募木江南得即投水悉從此井湧出

筆峯觀日

銳峯凌空攢聚如筆東望日出大於車輪
五色祥雲水天一色燦爛無際洵大觀也

方堤新柳

舊城為白洋河水冲陷方築堤衛
城種柳護堤千條萬條葱鬱鬱

外洋瑞蓮

學宮東南城外有陂塘焉用為外洋種蓮其中
忽現祥瑞瑞花開並蒂識者以為文運昌明之徵

山川

二龍山

在徐村大河東西兩山對峙蜿蜒如龍河中巨石盤若蜘蛛狀似二龍戲蛛故名

郭落山

在城西南郭落社山脉南行東轉結聚靈山

孤山

在任留社雷山之東上有石圩

雷山

在孤山之西

黃山

在任留社笏山之北上有石圩

笏山

在黃山之南

享山

在享山社山不甚大社因山名

小方山

在大方山西上有寺院

棲霞縣續志

卷一

四

化山

在化山社小方山前社因山名

牛頭山

在艾山社狀似牛頭故名山下有泉二道名牛鼻泉

母山

在徐家窪公山之西上有石圩

榆科頂山

在楊础社去城五十里南界萊陽縣

蟾山

在赤巷日南狀似蟾形故名

郭家嶺山

在郭家店西北嶺長三十里南界棲霞十里北界蓬萊二十里

小唐山

在福井社大唐山西

柳芥山

在大車社柳芥村上有朝陽菴地頗幽雅

荆山

在水道社山麓有麻院寺

老廟兒頂山

在清香
崗北

杏山

在百間社
西之北

葛山

在葛山社
因山名

馬耳山

在鄒格社
狀似馬耳故名

鷓鴣洞

在艾山西洞有小口曰梯子口入洞西折懸崖無路復
北折十數武透露天光豁然開朗怪石虎蹲千態萬狀

清漣河

河源有二正北發源於蓬萊石批山西北發源於蓬萊
讓貌坡至樓境水道社二流合一水勢汪洋東西濶五

里許南北長十五里有餘會同清陽大河東抵福山夾
河入海

桃村泊

桃村北泊曾現城堞林木牛羊村墟條
忽變換瞬息便滅南泊亦然傳為泊市

古蹟

仍前志

棲霞縣續志

卷一

五

陵墓

馬家塋

在城隍廟西有康熙
五十三年重修碑記

無極縣知縣郝守棧墓

在翠屏
山東

黃翰林墓

在北楚留村西北
坡下名時失考

黃御史塋

在草埠村東北山
麓下名時失考

鄉社

仍前志

集市

城市

仍前志

鄉市 大莊頭大楊家松山樓底下俱小集餘仍前志

古蹟補遺

長春仙井遺址碑

井爲棲霞八景之一按神仙傳邱真人建立宮殿募木江南得即投水悉從此井湧出謂之木井相傳在殿之東北隅環井植栢四株因續修邑志考證古蹟擬爲淘濬遍搜無踪蓋湮沒非一日矣意者仙跡不世出顯晦亦有時與爰就其地立石以誌庶松風草露間猶可想當年神異云
大清光緒五年八月如皋黃麗中識

賓都宮樑簽

棲霞縣續志

卷一

六

毅大將軍元帥左監軍甯海州刺史功德主姜 思聰

此棲霞賓都宮題樑簽按

邱真人年譜金明昌二年歸棲霞修太虛宮即賓都宮查甯海州志姜思聰牟平人姜房次子以父功襲封昭毅大將軍元帥左監軍甯海州刺史簽故金物也歷六百八十九年雖廟宇剝落碑碣殘毀施修姓氏缺如而簽獨完好惟首闕昭字殆不欲沒當年功德亦藉以隱示後人重修之兆與命工鐫刻并識數語以脩攷證云如皋黃麗中跋

